

ليبرالي مؤيد للانقلاب: ما يحدث للمصريين الآن عقاب لموافقنا على مذبة "رابعة"



الأربعاء 17 أغسطس 2016 06:08 م

اعتذر الدكتور محمد رؤوف غنيم - منسق تيار "الكتلة المصرية" سابقًا - عن تبنيه لوجهة نظر الدولة عقب فض رابعة ، قائلاً: "أنا آسف [كنت فاهم غلط".

و أعاد "غنيم" نشر تدوينة قديمة يدافع فيها عن فض "رابعة" بالقوة قائلاً: "البوست ده أنا كتبتة ثاني يوم فض رابعة من 3 سنين ، دافعت فيه عن تصرف القوات الأمنية المصرية ، وهاجمت فيه تدخل الأجانب في شئوننا بلغتهم ، وشاورت لآزدواج معاييرهم في التنديد بتصرفات الجيش والشرطة في مصر".

وأضاف: "البوست اتشير أكثر من الف مرة ، معظمهم من أصدقائي المصريين في الخارج وأصدقائي الأجانب ، واتنشر في صفحة الرأي على موقع بي بي سي الرسمي".

وتابع: "من غير لف ودوران أنا باعتذر ، انا آسف .. كنت فاهم غلط ، فكلامي طلع غلط .. عدائي مع الإخوان خلاني أصدق القصة الرسمية ، ماكانش عندي معلومات حقيقية عن اللي حصل".

مضيفاً: "ماكنتش عارف أن اللي حصل مذبة وحشية .. ماكنتش عارف أن كان ممكن جدًا فض الميدان من غير الخسائر البشرية الفادحة دي .. ماكنتش عارف أن القناصة كانوا بيصطادوا الضحايا وهما مستخبيين أو يحاولوا يهربوا .. ماكنتش عارف أن فيديو المدرعة اللي بتعلن عن فض الميدان دي اتصورت بعد المجزرة".

واستدرك: "ماكنتش عارف كمية الضحايا المهول بالنسبة لعدد قطع السلاح الهزلي [وشوية بشوية من بعد اليوم ده ابتدت تبان الحقيقة ، من خلال صور وفيديوهات ومعلومات مؤكدة ، و شهادات موثوق فيها بالنسبة لي بدرجة مليون في المية ، والنهاردة أنا ماعنديش ذرة شك أن كل اللي بيحصل لنا في مصر من بعد اليوم ده نوع من أنواع العقاب الجماعي على اللي احنا كلنا سكتنا عليه يومها" حسب قوله [

واستكمل: "مهما اختلفت مع الإخوان أو عاديتهم أو كرهتهم حتى الإنسانية مش وجهة نظر ، الدم عمره ما بيني بلد ، والحق عمره ما يبجي بالباطل [رابعة مذبة ، وانا آسف لكل الضحايا وأسرههم [ولكل واحد ساهمت بكلامي في تضليله".